

直隸霍州志卷二十

宦績

本州

北周

柳霞字子昇河東解人也宋太尉元景從孫曾祖卓晉
汝南太守始自本郡徙居襄陽祖叔珍宋員外散騎
常侍義陽內史父季遠梁臨川王諮議參軍宜都太
守霞自幼風儀端肅廬陵王續爲雍州刺史辟爲主
簿及岳陽王蕭詧蒞雍州選爲治中累遷車騎大將

直隸霍州志

卷二十

宦績

一

軍儀同三司大都督賜爵聞喜縣公尋進位持節侍
中驃騎大將軍開府儀同三司及訥踐位江陵霞辭
歸襄陽保定中又徵之授使持節驃騎大將軍開府
儀同三司霍州諸軍事霍州刺史霞導民務先以德
再三不用命者乃微加貶示之恥而已其下感而化
之不復爲過咸曰我君仁惠如此其可欺乎天和中
卒有子子靖莊最知名

詳見
史傳

隋

宋老生未詳何處人代王侑遣老生帥兵三萬守霍邑

唐兵至老生與戰馬蹶被擒死之

按老生官武牙郎將非官其地治其民者比祀之名宦非例也直以其忠義存之金之孔祖湯猶是也

宋

孫固管城人爲霍邑令端慤蒞政仁愛惠施宰相韓琦知其賢欲見之固不肯往琦益重之

金

移刺阿里合遼人興定間累遷霍州刺史興定四年移霍州治好義堡元兵至力戰不能敵兵敗被執誘使

直隸霍州志

卷二十

宦績

一一

降曰我有死無貳叱使跪但向闕而立元人叢矢射殺之同時有孔祖湯泰和三年進士爲寶昌軍節度副使元兵至亦被執不屈死

元

王明安燕人太祖時守霍州忠恪不移卓有異政後擢平陽總管元帥

益篤護彌實至元間監霍有仁政民咸思之正祀考贊其賦役均平寇賊屏跡云

明

曹端字正夫河南澠池人永樂中霍州學正修明聖學
州人皆化之遭艱歸澠池霍州諸生多就墓次受學
服闋改蒲州學正霍蒲兩州各上章爭之霍奏先得
復任霍前後在霍十八年卒之日州人罷市巷哭童
子皆流涕所著有四書詳說太極圖通書西銘釋文
孝經述解性理文集儒宗統譜家規輯畧存疑錄夜
行燭童子箴性理論拙巢鳴等書又作川月交暎圖
以擬太極薛文清公亟稱之盖有明初年理學之冠
也詳見明史列傳

直隸霍州志

卷二十

宦績

三

崔明字顯之直隸新城人初令萬泉有風雨除蟲鴉雀
啄螟狼償兒命蝴蝶訴冤雙瓜結瑞之異萬泉人爲
立五竒之碑成化間升守霍州時百姓苦於供億公
至蕩滌煩苛百廢具舉流亡聞而歸者八九又葺火
星廟而火災弭禱於城隍而虎患息祈雨雪而雪累
降州人至今思其德焉

國朝

王來觀字親宇奉天人原任河南分守道順治五年降
補知州潔已愛民不阿權貴六年姜瓖入寇霍爲南

北孔道攻尤力公督兵以守城陷血戰死州人爲建祠祀之兼祀省忠烈祠

閩承儒遼東貢生順治六年由貢生知本州有惠政州人建生祠祀之

以上十一人皆已祀名宦者

北齊

封子繡勃海蓀人霍州刺史 按北齊列傳子繡係開府儀同尚書右僕射子繪之弟外貌儒雅而俠氣難忤武平中渤海太守霍州刺史陳將吳明微侵略淮南子繡城陷被送揚州齊亡後仕隋開皇初終於通州刺史舊志所見異辭乃引子繪於霍山千里徑別開一路事并繫以元魏封子繪名悞矣今更正

隋

楊素舊志華陰人討平漢王諒之亂煬帝以其老於邊事命知代州遷霍州觀察使 按隋書開皇四年素拜信州總管爲取陳之計居永安造五牙大艦大舉伐陳破之引永軍東下巴陵以東無敢守者陳遣使請降師還拜荊州總管封越國公後漢王諒反以素

爲并州道行軍總管河北安撫大使素出奇兵深入
霍山緣崖谷直抵諒營一戰破之諒窮蹙而降以功
拜其子姪皆儀同三司大業元年素拜尚書令太子
太師及卒諡景武贈太尉公河東上黨西河河內等
十郡太守夫霍於東漢爲永安縣隋開皇十八年罷
郡置州州地遼濶不盡山陸似亦可造大艦但史傳
並無知代州遷霍州觀察明文漢王之亂亦第由霍
山進兵豈卽爲霍州觀察使耶今姑仍其舊所謂與
其過而去之母寧過而存之也

唐

蕭至忠沂州人秘書丞少監德言孫神龍中拜黃門侍
郎同平章事遷侍中中書令景雲初出爲晉州刺史
有能名默啜遣大臣來朝見至忠風采逡巡畏俯謂
人曰是宜入相何乃居外乎先天二年復爲中書令

元

程榮本府靈瑞人提控平陽太原兩路橋道霍州長官
立城池起蓋公廡

李伯淵大德間以承德郎知霍州兼管諸軍奧魯兼勸

農事建廡營學廢墜具舉

失刺不花大德間以承德郎兼霍州達魯花赤兼管諸軍奧魯兼勸農事建公廡廟宇學舍戟門

韓爽至元間知霍州卜遷學宮地經營創始皆其力

賈琪至元間知霍州修建學宮重士愛民

明

蔡邵江西舉人景泰間知州有惠政

張紀宏治間知州興廢修墜政不擾民

劉橘獻縣舉人嘉靖間知州有德政後陞臨洮同知士

直隸霍州志

卷二十

宦績

六

民送者塞途

褚相海寧縣進士嘉靖間知州申除徐溝蒲縣等處助差銀審定輪編夫役歲省郡費不貲著四書膚解尙書題義創建霍山正學書院集庠彦相與講明心學士民立祠祀之

李春臨漳縣舉人嘉靖間知州時東山土寇所在蹂躪春約衆矢誠三擣巢穴不踰旬而盡洗之又均糧編夫毀淫祠建公署創暘谷塔敬教勸學士習民風爲之不變

許仁靈寶縣舉人隆慶間知州潔已愛民平刑輕賦性
耽吟詠蒞任未久辭官歸

吳過寧夏舉人萬厯間知州仁政善教時有穀秀兩穗
之異

高烏邾縣舉人萬厯間知州有能名

張遂華州舉人萬厯間知州廉潔自持發奸摘伏人不
能欺

楊楠盩厔縣舉人萬厯間任秉性嚴重爲政簡而有體
立文社督諸生講學倡明濂洛宗旨力請故學正曹

直隸霍州志

卷二十

宦績

七

端從祀孔廟

侯鼎祿良鄉人崇禎間署州篆適闖賊兵過霍當南北
孔道賊併力攻之公督士民登陴固守城破被執不
屈死

張夢鯨蒲城縣舉人崇禎間知州蒞官九載愛民禮士
始終如一

韓中孚韓成裔碭山選貢崇禎間知州文章政治咸有
可觀

丁時學北京人學有根柢爲文謹於法度崇禎間以辟

舉知霍州吏治卓然惜遇非其時黃冠歸故里耳今學田爲所捐置也

呂稷濟南府人洪武初州同知凡廨宇學舍皆其創建尋陞知州

馬士能洪武間州同知增修學廟州人立碑記之

王畿新鄉人成化間州同知有善政州人爲立去思碑

趙誠醴泉人州同知明敏廉幹

范禎交阯人州判官在任卹孤貧教藝桑麻後陞沁州

知州

直隸霍州志

卷二十

宦績

八

吳棨江陰人北直解元天順間學正計課調習具有程度歷聘分校皆得人當路器之

張鑑暘谷人嘉靖間吏目廉幹有聲後陞河南臨潁主簿

高應奎昌平人官吏目以廉謹著

鄒一麟滑縣人捕盜有功陞河南清源縣主簿

國朝

劉浩奉天廕生順治十四年知州催科不擾加意學校士民德之

查振宗奉天廕生康熙間知州在任五年盜賊遁跡流
離復業給牛種勸耕稼大兵過境而民不擾州人德
之

黃復生湖北黃岡縣選貢生康熙十二年知州革陋規
行保甲修州志輿論翕然

葉九思奉天人康熙三十一年由通判陞任寬宏明敏
設義學以恤單寒立鄉約以警頑懦鑄鐵牌而賭風
息嚴保甲而盜賊寧捐俸八百金在周村舖立茶亭
以惠行旅後洊陞中丞

直隸霍州志

卷二十

宦績

九

李紹祖字繼菴長白人康熙三十九年知霍州性剛直
不爲勢要所屈泣官廉能擢潞安府知府代者未至
會

聖祖仁皇帝西巡紹祖爲一內員所窘自刎死霍人號泣
詣

闕陳訴

聖祖仁皇帝大怒立命巡撫監內員赴霍梟示霍人咸呼
萬歲聲振山谷及喪出商民罷市奠道旁者趾相錯
建祠中鎮廟側禮祀不絕

陳鈞貴州遵義縣進士乾隆十一年由湖北江夏縣陞任潔已愛民守正不阿捐俸改建霍山書院延師課士大金川之役羽書旁午士馬芻糧胥取給於州加以監視者遍宿驛館名爲協辦實則累之公供億不支又不肯剥脂膏以病民於己巳元旦朝賀畢肅衣冠書數十紙并書絕命詩曰忠孝兩難全微軀莫自保惟求大憲恩念我雙親老遂自戕焉越九日殞命年三十九歲州人士哀之爲立位祔於忠愛祠與親宇王公繼菴李公號爲三忠春秋祭祀道光二年知

州崔允昭新建祠於署內馬王廟側撰碑記焉

單燾山東高密縣舉人乾隆四十三年由知縣陞任多惠政增拓書院生童膏火創修南北石橋西土橋裕留養局經費士民德之陞福建泉州府知府

汪志伊字稼門桐城縣舉人乾隆五十二年由知縣陞任振興書院士習爲之一變歷任未久陞江南鎮江府知府洊陞至浙閩總督

恒山字松岩滿洲人嘉慶五年由廣平通判陞任仁恕清廉士民愛戴以憂去官州人哭送者填塞道路

崔惟允順天寧河縣舉人嘉慶十五年由岢嵐州陞任
潔謹自持愛民如子其下化之風清訟簡

顧紹先江蘇吳縣人以軍功陞任州民有茹齋念佛結
會朝山者嚴禁而婉導之及教匪葉生寬事發趙民
多所連染公請於大吏犯者許自首減等所罪數人
而已

劉斯裕江西南豐進士知州事有吏才折獄多所平反
州西汾河春夏水漲橋渡或不具則商販不至貨物
居奇公見信於士民故費集而事亦可久詳見水利

直隸霍州志

卷二十

宦績

十一

習全史同官進士順治間州判清慎不阿愛民禮士蒞
任不及一年

周士鎔建安人康熙八年由選拔任判官勤謹佐治澹
泊無擾著有賢聲累署州篆

竇復禧沁水人在學正任修葺社學創建明倫堂
王綸世長治人勤身課士科目自此復振

楊承志寧鄉人課士克勤行已足式

朱應元山陰人順治間吏目緝捕勤能盜賊屏跡

陳所蘊晉州人康熙初年驛丞勤於職守民甚懷之

按明知州如褚相楊楠之學有本源李春之平寇侯
鼎祿之執節

國朝查振宗之吏治李紹祖陳鈞之以死勤事皆立志
較然無負民牧應請補祀名宦

宦績

趙城

按邑舊志造父豫讓尹鐸並祀名宦夫造父爲趙邑始封祖名宦云乎哉豫讓前事范中行氏後事知伯並未仕趙尹鐸雖臣於趙氏維時趙氏爲晉卿鐸亦晉之小臣非宦於趙城也今以造父改列封爵豫讓尹鐸仍於學校中列名名宦所謂有其舉之莫敢廢也而志名宦則斷自馬莊武始

唐

直隸霍州志

卷二十

宦績

十二

馬燧字洵美郟城人沉勇多算廣德元年澤潞節度使李抱玉表爲趙城尉時回紇還國恃功恣睢所過剽傷賓介無敢爲饋勞燧乃賂其酋與約得其旗章爲信犯令者得殺之又取死囚給役左右違令輒殺死虜大駭遂不敢擾時抱玉守鳳翔表爲刺史拜河東節度使

宋

孫固

事具州傳

宗澤字汝霖浙江義烏人母劉氏夢大雷電光燭身而

生登元祐進士廷對陳時政上官惡其直置下甲爲
大名館陶尉調趙城令甫下車請升縣爲州不盡如
所請曰承平時固無慮他日有警當知吾言矣未幾
知萊州掖縣仕至東京留守年七十卒贈觀文殿學
士通奉大夫諡忠簡

事詳宋史本傳

元

莊欽祖祀名宦事實失考通志載其禦虜患崇文教政
績甚異

明

直隸霍州志

卷二十

宦績

十四

楊瓚直隸蠡縣進士宣德間知縣徙建治廨以避水患
聽事如神愛民如子常取署中棉花給民織布記其
姓名收庫及起運各以原布輸糧事簡民安通志稱
課績爲山西最陞鳳陽府知府仕至浙江右通政
何子聰直隸吳橋進士正統間知縣時舊城屢爲汾河
所嚙公相度形勢經營畚鍤移築稍東五里民居廟
社胥賴安堵舊志又稱其體恤民情政聲大著尤善
劈窠大書官至叅議大夫

向明直隸南巢舉人宏治年任禮士愛民興利除弊每

捐俸助喪葬之不給者居民失火親械往救明春秋
禮經聘房考取士得人

凌文質邑縣丞鄉貫無考呂氏別紀載其多修築功

黃直直隸人邑教諭發明濂洛之學躬行不衰有著書

按邑志作翰林院編修秉
鐸斯邑未詳何據俟攷

張傑陝西鳳翔舉人正統間訓導師事薛文清公精覈
經史著述宏富

國朝

秦嘉兆遼東人順治二年知縣由訓導陞任時大難初

直隸霍州志

卷二十

宦績

十五

平招撫流移約束胥吏均平差徭又開南路通廣衢
設學田修中鎮廟政美人和百廢具舉甫一年陞守
平陽旋擢河間道仕至江西左布政
以上十一人皆已祀邑之名宦者

明

賀國定河南獲嘉縣舉人嘉靖間知縣恪守官箴政平
訟理愛民課士弊絕風清在任三年開渠築隄鑿泮
池建鐘樓修邑志善政良多調宰臨縣去之日送者
塞途官民皆墮淚焉

邢倫山東邱縣舉人嘉靖間知縣邑預備義字官倉四鄉社義各倉皆其修建民利賴之

史紀勲河南祥符舉人萬厯間知縣時汾水嚙城督修底績又築隄堰備蓄洩至今享其利

董厥修山東長清舉人萬厯間知縣居官一塵不染恤民敬學於城北開董家渠引汾灌田數百畝去之日行李蕭然士民餽遺悉却不受

鄭國勲河南葉縣舉人萬厯年任蒞政嚴明奸宄屏跡洪民告鑄霍渠陡口侵奪水利力爭之獲止

直隸霍州志

卷二十

宦績

十六

張如鈺直隸隆平縣舉人萬厯年任銳意吏治弭盜有方陞解州知州士民立生祠祀之

郭峻陝西通渭縣舉人萬厯年任平易近人民心悅服以艱去百姓泣送之厯官州牧

朱時麟直隸南和縣選貢萬厯年任廉明振作政治一新申裁鹽引民困獲蘇洪民告奪水利力爭之得止至今民頌德焉

劉四端河南息縣進士萬厯年任愛民課士弊絕風清裁革霍驛冗費民間歲省千金甫二年以卓異調臨

汾士民乞留不允爲建生祠祀焉

吳道明直隸邢臺縣舉人萬厯年任恪守官箴工詩賦
有霍山題咏勒石

陳時春直隸唐縣舉人天啟年任政和民安告艱去補
任封邱陞台州府同知

秦樂天陝西三原縣進士天啟年任修學課士勤政愛
民有奸民思飭法獻地隣封勢宦者寘之法以艱去
民建生祠祀之

張斗河南溫縣選貢崇禎年任築題護城民賴安堵勦

直隸霍州志

卷二十

宦績

十七

賊撫衆邑免流亡至今稱之

陳君舜河南虞城縣人孫份河南汜水縣人崇禎間相
繼知縣事縣故土城君舜議易以磚甬甃南北二面
會遷去孫份訖其工又於北面增高五尺鑿池深一
丈並築障水隄一道於城南邑人爲立德政碑焉
強自省邑教諭陝西鳳翔舉人在任建名宦鄉賢二祠
修講堂號舍課士有法士服其教署汾西縣篆多惠
政累遷芮城知縣通州知州

王念嘉靖時教諭陝西盤屋舉人倡明理學贊修志乘

作趙城考豫讓論當事重之

竇經陝西岐山人嘉靖年以孝子舉爲邑教諭有思親詩一卷行世

李應聘乾州舉人文醇行正課士有方由邑教諭遷隰州知州

湯之相廣濟舉人崇尚理學長於古文兩聘順天河南房考由邑教諭擢國子監助教官至黎平府知府

張大行蒲城縣舉人萬厯年教諭歷俸六年廚無儋石而課士不倦陞寧鄉縣知縣霸州知州

直隸霍州志

卷二十

宦績

十八

周應岐代州人邑訓導氣度溫雅先哲典型

張翰太谷人崇禎年教諭愷悌作人多士宗仰去之日勒石志愛廣文之有去思碑自張公始也

趙元凱邑主簿河南商邱縣人嘉靖年任愛民如子去之日民攀轅頌德焉

趙田邑主簿山東萊陽人嘉靖四十三年修邑乘製祭器有功學校

林仲猷嘉靖間典史浙江太平人督捕有方盜風遂戢並工詩

李維標湖廣京山縣人萬厯間邑主簿學問淵邃開通
利渠霍民爭奪水利力抗之乃止

湯之聘本貫失考萬厯年典史品格高雅有仙尉風

李承謙崇禎時典史河南葉縣人流寇犯境有保障功
國朝

田起龍遼東生員順治初年知縣事英敏端慈恤民愛
士聽詞公則兩造稱平遇軍興則千夫不擾今護城
隄北澗橋其所建築也

趙祥星遼東義州人英明仁慈民懷吏畏由邑令累遷

直隸霍州志

卷二十

宦績

十九

至湖廣監察御史山東巡撫邑有生祠高珩呂維櫟
俱有記

安錫祚章邱人順治初年進士窮理博物下車詢民疾
苦嚴城守清保甲除火耗均賦徭聽訟平情贖鍰蠲
郵衙無胥蠹民絕追呼暇則招士課文申明孝弟風
俗爲之不變又捐俸修學修志及諸正祀神祠奉行
取去任邑人思之爲詩歌志遺愛焉

呂維櫟字松若山東益都縣進士康熙十四年任百廢
具舉獄地無人敦崇學校士氣騰奮築東園西園二

別館與邑之賢士大夫考論經史並著別紀以補邑志之未備邑人至今頌之

徐容浙江海鹽縣進士康熙四十一年任三十六年地震城圯力爲修築凡廢墜者悉舉邑人戴之

江承誠貢生江南吳縣人一作休寧縣人雍正元年任政通人和四鄉通道所至建坊頌德

王極昭廣西全州進士雍正四年任時趙洪二邑民爭霍泉水利洪民將限水石擊碎前令江公承誠躬率復置隨置隨擊公抵任承府守詳議鑄鐵柱鐵梁駕

直隸霍州志

卷二十

宦績

二十

橋於上而構翼亭焉至今趙七洪三永爲定制世世賴之

譚起行浙江德清縣舉人雍正八年任城垣樓舖傾圯捐俸倡修至今民社賴之

蘇襄雲山東武城人乾隆二年由翰林改官知縣開渠灌田士民勒石頌德

李超倫陝西固城選貢乾隆十四年知縣建書院於城南左偏立有碑記

丁大年大同舉人順治年教諭捐資修學補勒臥碑於

明倫堂正身率士士服其教

胡仁浙江餘姚人順治元年典史修渠築隄有功水利
考稱最

李用文浙江錢塘縣人康熙十二年典史好學工詩並
曉音律居官不名一錢激昂振勵布法施令四野肅
清時 王師西下糗糧夫馬親爲給役地方恬然暇
則跨一騎挾奚童負囊尋勝有昌谷風時論美之
邵宏遠任典史白門望族有幹材金川之役伊犁霍集
之師支應裕如又修潤澤渠平坡塗築墩臺費省而
工固不易得也

宦績

靈石

元

韓敦武大德間縣尹正直廉介勤政愛民建置廟學文教並興

楊文選邠縣人治縣廉惠嚴明曉暢兵事至正間流寇充斥公置守備寇不敢窺其境

明

种奎四川階州人嘉靖十七年治縣精明仁恕治尚安

直隸霍州志

卷二十一

宦績

二十二

靜濬築城池疏通水利凡所措施民被實惠

王植安定舉人治縣勤敏修學造士尤盡心焉

袁應春鳳翔舉人知縣事事實不詳

張永清山東萊蕪人嘉靖間縣丞操行嚴正居官清慎

卒於任

以上六人祀邑名宦

元

冉大年廣平人至順間縣尹勤於政治案無留牘暇則巡行阡陌勤課農桑靜昇村文廟其所建也

邑志又作廣江

人

明

張先洪武十一年知縣恤民愛士時當草創修築城池
整理縣治百廢具興

張翼正統七年任興學造士時城基狹隘拓北面改築
之計濶三百餘步民力不煩守禦以固

范寧卽墨人景泰七年任公廉勤慎增修學宮又城北
小水河每水漲時數爲城患築長堤捍之城賴以安

孫璫韓城舉人正德七年任精明周密時流寇殘破之

直隸霍州志

卷二十一

宦績

二十二

餘外捍內治築城池修學校葺縣治百廢具舉

曹乾保安衛人隆慶五年任修城勤政舊志稱其苦節
自甘尋以母老乞致政

白夏潁川衛人萬曆二年任凡縣治廟宇以及城池學
宮堤堰多所整飭又輯縣志典籍賴以不亡

路一麟柏鄉進士萬曆二十七年任倡議建文昌廟於
翠屏山以助文風又修理縣治時邑志草創爲條目
叙次之

賈昭濟陽舉人洪武間教諭學行卓越歷官至湖廣布

政使左叅政陞雲南布政使

馬馴遵化人宣德年教諭有清撻尤善訓士

黃綱南陽舉人成化年教諭學有淵源士服其訓於文教實有功焉以艱去士林思之

國朝

張曝趙州舉人順治二年知縣事清查驛務以紓民力整理學校尤爲首功

徐來麟奉天人順治三年任時寇氛未靖捍衛有方民賴安輯後陞本州知州惠政咸著靈民立祠祀焉

直隸霍州志

卷二十

宦績

二十四

李廣生大興拔貢順治十七年任寬明仁恕人歌樂只曾築堤堰修學宮民飫其德

侯榮圭河南濟源舉人康熙十年任修邑志築堤堰清封疆壬子癸丑間大旱禱雨輒應政平訟理時有召杜之謠

梁應宸陝西寧夏歲貢雍正二年自廣昌調任初下車卽以招徠流亡綏輯居民爲先務愛民勤政案無留牘又設義學立社倉修堤堰築城垣嚴行保甲除匪安良民甚德之闔邑建祠與徐來麟同祀額曰二賢

胡承澤桐城進士雍正十二年任留心政治時北門外
小水河堤屢修屢塌乃易土以石計三百丈有奇又
於堤外築小堰八十九丈民立石號曰胡公堤

張曾敏桐城貢生乾隆三十二年任仁恕廉潔修建書
院課士子尤善堪輿改建文昌閣於翠屏山自後靈
邑科第聯綿邑人德之因並路令一麟汪令志伊同
祀閣上

汪志伊桐城舉人乾隆四十七年任沉機達務勤政愛
民恢拓文昌閣殿廡又修學宮振興文教洵升至總

直隸霍州志

卷二十

宦績

二十五

督

虞奕綬金壇人乾隆五十四年任公慎勤敏博學健文
著有靈石頌禁陶令南橋碑記又建柳雪亭於水頭
鎮

佟謹思豐潤舉人乾隆五十九年任公恕嚴明禱雨立
應重修龍王廟

邊龍驥任邱進士嘉慶七年任月課士子講明時藝文
風爲之一變

陶廷颺貴州都勻進士嘉慶十年任重修河東堰灰石

堅實城免水患前稱胡公堤今又號陶公堰

吳廷藩福清貢生順治元年縣丞時當新造一月就理
甚有能名

劉衡詔文水拔貢乾隆間教諭勤課士子行止嚴正並
捐俸修學闔邑頌之

孫進修榆杜歲貢康熙間訓導實心訓士不愧楷模修
葺學宮躬親刈草其持敬類此

任文基臨縣舉人嘉慶五年訓導有學行訓士有方人
飫其德

張仕敬益都人吏員任邑典史乾隆二十三年六月大
雨山水暴至決城北門入淹灌街巷居人相率陟屋
登城以避而南門關閉水不得出勢甚危仕敬識水
性洄至門下去櫬門開水勢漸退人民獲全